

康熙甲午仲春重裝

別集類

元昭武隱君黃元鎮先生著

元刻秋聲集


吳方山校本





元刻秋聲集

陸貽典題簽



鳥 全詩文集秋鎮黃

上題字  
為士礼  
居包函  
原題是  
黃英圃  
先生親  
筆當時  
列入甲  
編更宜  
以如寶  
貴耶  
陸徑方  
遠文記



東





成

道



業

業



崇仁

崇仁



集

萬曆壬寅六月顧起元書

顧起元




秋聲集自序

聲於天地間不能無也其大者雷霆也風雨也其次通之  
為語言和之為律呂下至昔禽候蟲莫不有聲獨秋或有  
或無歐陽子謂聲在樹間猶假物以為言也莊生所謂天  
籟在天不在物也夫秋之為氣也寥闐而清寂冥而虛  
清與虛相薄或能有聲或能無聲不能必其有無然則秋  
聲亦天地間不能無者也余少學吟不能無聲大之不能  
為雷霆風雨次之不能為語言律呂昔禽候蟲又有所不  
屑為者故託而自附於秋聲焉秋聲可有可無余言亦可有  
可無故錄之以為秋聲集庶童子能聽之否乎秋聲子自  
序



秋聲集后叙

君秋聲集若干卷昭武隱君黃元鎮先生之所作也先生  
 學行卓異抱濟世之材不得志于有司慨然著書垂訓以  
 淑後學故發為詞章雄贍富麗如飄風行雲大音希聲天  
 籟自鳴由其積之有素而學之有本故用之不竭而應之  
 無窮雖然秋之為聲迺天地清肅之氣而慘舒之情具焉  
 抑亦有所激而鳴其不平者邪使先生達而在上則春風  
 暉拂草木回光諧治世之音君來儀之鳳其聲不在山林  
 而在廊廟矣朝廷訪求隱逸賁于丘園僕之不才屢嘗薦  
 士於執政獨恨知先生之晚而今也力不足以振之徒重  
 遺賢之歎三復是集中大篇短章諸體咸備皆有關於斯  
 世者豈徒言哉然則先生雖不仕而聲教在川傳後





是亦為政也雖越千載其可泯耶謹識此于卷後而歸之  
至正十七年歲在丁酉十月己卯新安鄭潛拜手書

先君子所著秋聲集詩文離為十卷中罹已亥之  
亂亡失大半所存者尚千數百篇鈞重惟先君子  
生平苦心萃於此集今已不全若復蹉跎淪沒則  
後人何所徵考其先世故用服膺寶箴不敢怠忽  
爾後遭值兵禍相尋雖倉卒避地亦必挾以自隨  
他雖重物亦弗顧也丁未歲伏承延平太守實齋  
吳公嘗綉梓以傳甫畢而世變無存鈞汲汲於刊  
行則力有所不逮今年秋始克命匠肇工而卷帙  
浩夥未獲全刊姑稱力為之繼此又當續刊也洪  
武十有一年冬十月甲子男鈞稽拜恭題

秋聲集

五言律

春日山行雜興

出郭晴光遠臨高逸興賒路經棲鶴地山入種桃家石頂  
尋雲母松根飲雪花故人留宿處朝飯有胡麻

又

山翁留客住自說樂餘年日養分男舍春耕祝主田雨泥  
朝過鹿山木夜啼鷓鴣黍煩相勞桃花出釣船

又

城郭心何補煙霞迹未踈抱琴多勝地得酒即吾廬夜候  
丹砂火春尋石室書黃到幽絕高士亦巢居

又



夜宿東屯月朝行北渚雲地穿龍虎氣星列烏龜文白墮  
仙家釀青精野客分人言王子晉笙鶴至今聞

春雨南田書事

流水三椽舍桑陰五畝田飯香分野碓茶熟候山泉石榻  
看雲坐谿窻聽雨眠桃花川上路應有釣魚船

又

瓜圃通鄰巷柴門接野蹊賣薪歸早市行餉汲寒溪野鷺  
山前落林鶯雨外啼客來渾不吝孤絕正幽棲

又

草徑交塍畔花村曲水隈夜燈鄰屋語晨弩獵人猜石閣  
雲低樹溪添雨沒苔已無機事到終日面崔嵬

鉛山早行

早起辭林館隣雞已再啼月弦當戶直斗柄插山高細濕  
侵藜杖輕寒襲布袍前趨東日上五色動雲濤

題三礪鄭氏耕隱所

故人耕隱處一壑樂餘閒遠舍流春水當門出曉山課童  
歸雨外留客住雲間尚恐違溫清城中日往還

三華吳宜甫樵谿十詠

本原樓

樓閣依山外高居白日長樹陰浮石潤雲影入江涼宴坐  
涵千古遐觀納八荒此時天籟寂虛白自生光

旦氣軒

曉起憑虛檻蒼涼羽翰輕五雲開日觀三島接霞城雨歇  
連山淨塵消止水平試循嘉種看新綠自欣榮



半月池

鑿地通泉入冰輪隱半規水涵光澹二雲度影遲二坐引  
流杯稱書添洗硯宜蛟龍得風雨終去躍天池

綠玉洲

種竹滄波上春深長萬竿晴琴依水潤夏簟入林寒渭畝  
夸千戶河菑頌百官主人持勁節留待雪霜看

濯纓泉

石潤通山氣甘泉二派流霧浮丹穴暖冰浸玉壺秋遠達  
朝宗志深懷澤物憂濯纓無限意風雨滿滄洲

白雲塢

川上桃花塢春風十里程遙二青嶂合隱二白雲生草閣  
遮難覓芝田潤可耕從龍當作雨膚寸起天行

釣魚磯

溪上收殘雨沙邊水落新掃苔留坐石投餌得游鱗客至  
初蒟酒僮歸旋斫薪住山元不惡物色莫相親

納稼畝

谷口躬耕日秋風獲稻梁地腴登歲事天角兆豐祥野爨  
青精熟山瓶白墮香此身雖畎畝一飯豈能忘

藝麻圃

舍外環麻圃畦翠玉林補紉紅女意種樹逸民心夜績  
分鄰火寒雞雜曉砧年二榮雨露衣被及人深

懷濟舟

溪上桃華雨堤痕半沒沙永懷舟楫利何恨水雲賒赤壁  
凌仙袂銀河送客槎傳岳應一起未許伴煙霞



登南山蘭若

開基臨絕頂居與鹿為群一徑落紅葉萬山生白雲石梁  
秋蘚合茶竈午泉分此地多苓朮長應侶隱君

乘涼

借屋依喬木乘涼愜病身日回山有影風遠竹無塵除地  
平施榻攀條側掛巾醉携龐老宅真作鹿門人

得雨

十日得一雨今晨初入秋游饑期一稔嘉遊樂三休綠茁  
晚松圃黃收先桂疇太平耕鑿好群盜勿相讐

南山紫雲山居

一宿南山頂仙凡此地分河明疑有浪天近更無雲月色  
初秋見泉聲徹夜聞紅塵飛不到甘與鹿為群

又

紫雲當七夕織女度銀河絕頂瞻星近浮空見月多仙家  
還杼袖人世自干戈抱拙何煩問臨風一浩歌

又

一衲紫雲間幽居丈室寬無求塵世遠不語道身安若淪  
薪妒沸瓜沉石井寒似君精進力得法諒非難

又

樹老秋仍露山空晚更蟬雨添春藥水雲濕種瓜田對榻  
僧長坐聞鍾客未眠自應麋鹿性疎散愛林泉

又

伏日不知暑泉流山四圍竹風潭却扇松雨欲添衣逸老  
為家好逸喧過客稀虛亭無戶牖冉冉白雲歸



又  
絕竅開闌檻，遙峯展畫圖。雪翻僧供鉢，雲遶佛香爐。接板  
橋橫澗，連筒水入厨。杖藜行藥去，九節得菖蒲。

又  
竹露連岩際，松風滿坐隅。水春如有節，山鳥似相呼。暑雨  
收崖蜜，晴雲斲土酥。月高秋萬宇，身世一冰壺。

又  
碧巘明霞外，秋山畫不如。澆成紅瑪瑙，削出翠芙蓉。五老  
天邊見，三神海上居。坐來高月上，声落晚鍾疎。

又  
開士來何處，談空坐夜分。五山携杖月，三楚染衣雲。塔禮  
旃檀相，臺繙貝葉文。南峯尋道侶，吾亦偶相齊。

又  
絕境紅塵遠，高居白日長。僻宜人不到，靜與世相忘。宇潤  
星辰大，山虛水石涼。翠屏天外立，秋氣晚蒼蒼。

又  
八月稍告旱，時雨沛然。天際雲初密，山尖日尚明。疾風搖竹亂，斜雨射窗鳴。濯熱  
乾坤德，悲秋賦畝情。又蒼鄰寇警，飛檄報徵兵。

又  
八月  
白露下山城，秋風一夕生。遠山晴若近，微日晦還明。南國  
登禾黍，中原洗甲兵。惟應餐沆瀣，雲表桂華清。

又  
冬夜  
室暖知冬候，更長識老情。客氈初夢覺，隣燭更書聲。漏緩  
風傳遠，窓虛月透明。自存中夜氣，起咽玉池清。



苦熱

展書成坐睡就枕即無眠情氣傷頽景孱軀畏暑天樹陰  
靈隱路溪冷武夷船未得乘風去懷人意惘然

感事

忽得西軍報驚聞氣愴然鼓聲沉白日旗影落青天憤切  
居坊食愁深起輟眠王師宜壯直即聽凱歌旋

還家

避難三遷久還家一歲餘亂中全子舍兵後保先廬池廢  
草留密徑存林伐疎室堂聊訊掃未敢計空虛

至節

至節新陽候關山戰伐場江霜宜應序初日漸舒長草蔓  
寒終隕梅花靜自香預謀烟艇好春暖釣滄浪

題朱澤民畫山水

與客浮湘水琴書共一舟雲間雙樹曉天外數峯秋指顧  
銷塵慮棲遲發權謳未知身是畫明月滿滄洲

麻姑一宿

絕谷寒声淺陰堂翠色交蹋書摩薜石炊黍拾烟梢瀑落  
接龍洞雲歸養鶴巢未能招我隱何用解人嘲

學稼

學稼存吾事居山樂有年地收鍾一畝人糶斗三錢曉雨  
丹林外清霜白鴈前為謀鷄黍具邀客共談玄

斛蘭三開有懷蔣師文

白露滋蘭斛寒花晚更番香臨日午靜孤耐客心幽夜月  
連千里天風薄九秋故人江海去相憶負同遊



東陽道中

出谷蒼烟薄穿林白日斜岸崩迂客路木落見人家野碓  
喧春水山橋枕淺沙前村烏桕熟疑是早梅花

里熟田家

去市二三里居山八九家雨餘添菜英霜後出梅花穀熟  
冬饒酒泉甘日羨茶俗淳人事簡容我傲烟霞

冬春連雪

南北躋危日乾坤老大身深山一月雪故歲兩年春宿麥  
抽晴早寒梅破臘新欲談當世事高唱若無人

社日

嶂隱層、樹溪流片、花看雲連石室聽雨滿山家目短  
書疑字牙疎飯怯砂日長初試水分得社前茶

秋聲集

七言律

寄雷隱上人

窠憶高人住翠微萬壑千岫雪消時林階月在行香早石  
屋雲多出定遲棲對有僧晉聽法看泉無客和題詩松關  
不鎖容相扣定覓春山食熟芝

春日東行

青郊冉冉散晴暉芳樹頻聳一鳥啼山驛水流花落盡石  
田雲暖麥抽齊禪房鑿路當品半釣屋維舟近竹西行過  
野橋人語近尋源應到武陵溪

題秋江把釣圖

獨載輕舸過碧川一輪牽動楚江天蘆邊有月還吹笛柳



外無風不繫船  
晉火夜然湘岸竹  
得魚朝送酒家錢  
十年湖海真知畫  
尔欲狂歌一扣舷

遊麻姑山用詩師文韻

紫霧龍鳶月裏遊  
白銀宮殿海中洲  
麻姑宴罷壇猶在  
葛令丹成井獨留  
雷滴雨浮嵐空翠  
晚飛花散玉瀑簾  
秋誰能共食金光草  
來住仙家十二樓

雙溪客館

江閩風壤故相接  
江閣感時還念家  
白鳥飛去船着岸  
青魚上時人浣紗  
仙壇扶登借筇竹  
野客進飯留胡麻  
城下新水長三尺  
囊糧明日共乘槎

舟過石門梁安峽

書畫船頭載酒迴  
滄洲斜日隔風埃  
一雙白鳥行人去  
無

數青山似馬來  
天際雨帆梁峽出  
水心雲寺石門開  
同遊有客如高李  
授簡惟慚賦峴臺

送憲幕陳時中分題得平章河

海國猶傳利澤功  
滄溟縹渺百蠻通  
潮來估客船歸市  
月上人家水浸空  
折木星辰三島外  
搏棗宮殿五雲東  
河梁此日重携手  
目送靈槎萬里風

晚晴書事

白鶴樓西晚雨涼  
欲晴山氣遠蒼蒼  
鴉啼落日歸平楚  
鷓鴣背殘霞上越陽  
溪嶮築茅堪理釣  
畝田技術好休糧  
秋風有約巢雲去  
却擬狂歌學楚狂

平楚越陽郡城二臺名

三衢夜泊

涼夕清江獨棹徒  
拍浮身在太空虛  
星河光動牛女宅  
風



露氣通絃人  
居步郭晴天  
更鼓遠連灘  
永夜水春疎  
人間萬事豈足累  
扁舟歸釣槎  
頭魚

金原先壘之側得湧泉甘潔

下流泉冷沁冰  
深荒闕甃貯甘  
澄穴通海眼  
魚龍沸波溢  
田膏雨霧蒸  
茶鼎夜寒分  
石乳藥鍊春  
暖洗雲層尋  
幽有約烟霞侶  
萬詮千巖擬  
共登

西陵渡

日午移舟出  
隩隈謹呼走  
趁百人回潮  
依草岸痕初  
落風拗蒲帆影  
半開極浦海  
門生霧雨隔  
江煙對起樓  
臺中流炭漫  
魚龍過勇蹈  
危機六壯哉

明州西渡

西堤津頭望  
海濤揚波捲  
雨日滔之一  
江風起晚潮  
上半

夜舟行山月  
高葭莢連空  
迷雪舫魚龍  
吹浪濕宮袍  
乾坤不碍身  
如葉我亦螟  
蛉笑二豪

會稽南鎮廟

巨鎮東南表  
海邦玉書金  
簡昔人藏雲  
從禹會奔侯  
國星列周官  
奠職方已祝  
洪釐尊社稷  
更磨貞勒寫  
文章幅有今  
已同王制勅  
使年、搨薦璋

臨川青雲亭

平野荒：雄堞低  
一峯闌檻與  
雲齊斗牛三  
尺龍光照城  
郭千年鶴爪  
題白雨來時  
江水北青山  
盡處夕陽西  
古堽亦有憑  
高客樹影蒼  
涼透大隄

金原營小舍割山中田界守者

烏子情孤淚  
滿襟手移丘  
木已成陰丹  
砂不換千年  
骨



疑空寄九地心自託烟霞謀卜築每勤霜露寄登臨傳

未得成先志敢陸遺言付託深

宿富沙水西天有二入清觀相傳漁人入水見宮殿焉曰玉清湖對奕歸已數世家人無在若遂仙而去

溪上千峯樹羽旄溪灘漱玉夜聲豪霜前鼓角凌風迥月  
下樓臺隔水高北苑九重傳貢茗東陽千日醉仙醪人間  
歲月棋邊換歸住山中學種桃

北苑茶東陽酒土產云

雅正卿壻別都魯沙迂憲使歸漢陽

終脊征旆入三神又囑歸轡過七閩仙籍九天承雨露使  
華千里動星辰江間木落雲帆冷雪後梅開水驛春亦欲  
登樓乘夜月幾時來食漢江鱗

章表嶺

三華西上章表嶺鳥道凌空最阻脩從龍雲氣皆在下旋

蟻天文如上浮花竹一家巢絕頂烟塵九點認齊州欲尋

王子營丹處玉宇高寒不可留

送危山人歸江西

山人歸去大江西龍雨經文肘後携江漢地分南紀遠  
牛天入北辰低梳流谷口泉初落杉擁關門鳥自啼已親  
登臨幾雙屐後君來往踏晴泥

題定武蘭亭

蘭紙香隨玉匣遺寶書天上世難知狼烽幾墮昆明劫  
翼猶傳定武碑曉雨苔花侵搥石秋山柿葉費臨池東都  
已往誰能繼神物終煩謹護持

贈張孟

江海張公考欲華每夜吟屋寫梅花逢人處能知已在



客年、易別家閩嶠午山生霧雨洞庭秋水落蕙蔭河源  
八月西風便天上還乘奉使槎

奉題章子漁白雲崖

越城高倚白雲崖、下華堂向水開千嶂落霞秋樹老  
江疎雨暮帆迴清樽款客稱文舉綵服娛親憶老萊何日  
膏車從子去賦詩曰上雨花臺

送詹景仁赴江陵軍民總管

開府南條東上州古今形勝一登樓三巴洵、魚龍窟北  
澤蒼、橘柚洲問井寓兵生聚遠詩書謀帥拊循周仲宣  
亦有從軍賦遙望西江李郭舟時杜清碧同載

湖廣提舉黃子肅挽詩

太史周南久滯留俄聞歸櫬有孤舟人間化鶴輕千歲天

上騎鯨隘九州漢水悠悠紅樹晚闔山寂寂白雲秋詩宗  
密印誰相付宿草青、有首江

三山九日示鐵克剛

九日南州尚滯留高風寒鴈獨登樓白憐白髮難為客欲  
買黃花只負秋南國美人鸚鵡賦北庭公子驕驕裘不愁  
大地風霜苦更擬吹笙過十洲

雨溪三咲圖

栗里先生不鼓琴偶携明月到東林白雲滿地蒼苔濕流  
水一山春雨深歸路已忘言外意過橋誰識咲時心  
俯仰成陳迹傳得高風說到今

鼓山靈源洞有岩巖天風海濤亭唱水岩

芳巖峯頭萬丈梯上方高與白雲齊青山盡處海門濶紅



日去來天宇位，嗚水無人空。宴坐磨厓有客謾，晉題飄然欲御長風去。一咲何煩過虎溪。

元正陪宴奉東黃庭美憲使韓公時按部

玉帛充庭會百僚，衣冠陪位集三朝。烏臺凜凜融層雪，龍關蒼蒼麗九霄。入面酒和春意動，捧頭花暖曙光搖。兩生禮樂成迂事，翻對東風憶舜韶。

和揭希章立春

玉律頒春謹授時，銅鸞傳箭漏聲移。曈曈曉日開黃閣，習習和風拂畫旗。綵杖三環迎氣早，華筵六豆醉歸遲。小車行處花如錦，偏洛陽園總是詩。

乙亥閏十二月重改仍至元

玉殿乘衣儼典墳，喬雲承澤決乾坤。歸餘不數秦終閏，紀曆重瞻漢後元。萬里畊耒環海域，一溪漁釣老烟村。願聞龍魯為州邑，亦欲承風造羨門。

荅陳季權貽新曆

山中無曆紀流年，不記春深欲種田。正朔又新頒郡國，封題猶及到林泉。鳳聲吹律時成歲，龍角回杓斗振天。白日舒長同化國，滄洲閑理釣魚船。

辛巳還光色祖居上井約江少府同到

東井田廬故業非，十年風雨寸心違。江湖水濶冥鴻去，城郭春深化鶴歸。棠梓盡隨黃壤化，松楸空望白雲飛。梅仙此日能相約，竹杖相携上翠微。

秋風

秋風漸生庭柯蕭，木落洞庭波。紅樹夕陽蟬噪急，白



頽秋水鴈來多玉孫不歸怨芳草山鬼欲啼牽女蘿兼踐  
蒼白露下望美人兮將柰何

舟過大茅洋

漲海渾茫寄一椽候神東去接方喜帆隨雪浪高還下  
滿浸冰天有若無鴈影斜翻西日遠潮聲直上晚雲孤  
擬學任公子掣取封疆餒萬夫

補陀島

一片雲帆駕渺茫東臨絕島拂扶桑九天波浪隨星  
客萬怪魚龍覲水王日觀遠開溟渤動雲臺倒浸白  
花香候神海上應相見為覓安期却老方

胡文璧歸池陽就赴湖關

送子先登赴棘關大江東又溯江西天連楚樹山雲  
濶雪

湧吳潮海浪齋僊桂引香蟾兔近客槎乘便斗牛  
低卯莫上合中興將聞道天門榜已題

錢塘

雨過高風發屋聲吳中暑退即寒生晴光入眼園  
林薄夜氣侵人枕簟輕寺鐸呼風宵自語隣機織  
月曉猶鳴江湖處悲秋客起東歸裝不待明

題林處士故居

先生勝隱得孤山小艇沿湖日往還自愛烟霞  
居物外豈知名姓落人間鶴無過處苔痕老梅自  
開花月影闌表墓有銘祠有奠高風千載更  
廉頑

贈葉山人

仙巖溪上葉山人手佩青囊太古文北極地從  
林邑下南



條山到蜀江分尋源屢識蛟龍宅探穴長隨繡彩巖更約  
秋風清霽日與君高踏萬重雲

贈曾鍊師

聞說玄都曾鍊師曾從海上識安期游山採藥辭家早掃  
石看雲出洞遲醮罷每棲雙鶴樹丹成時浴九龍池長年  
別有壺中樂消得仙人幾局棋曾善棋

歲十有二月庚寅立春丁亥之春也

生甲逢春六十周乾坤俯仰一虛舟歲寒冰雪梅堪賦物  
外烟霞鶴與儔夜火流丹燒葉竈午泉分乳試茶甌吾心  
已定身何繫極目閑雲任去留

用韻酌涂啓仁傳鈞未午日聯句兼餉余酒

西江迴掉邈烟濤南谷登樓碧四遭兩戒山河隨蠟屐十

年風雨重綈袍樽開北海雲鯨浪句充中山月兔毫更憶  
迂翁伴仙客遣分朋酒慰離騷

昭武圖經載天子固越王駐獵之地獐收時得古玉  
有羅紋鴈翅之狀堅緻如石以時考之千數百矣感  
而賦之

北平山上越王城獵騎如雲此駐兵瓦礫不隨塵去化市  
朝空逐海田更鴻泥雪點深無跡鴈翅羅紋碎有聲訪古  
獨來舒望眼萬峯浮翠入天明

李氏妹夫仲章歸自襄陽

子到方城漢水西容帆煙雨幾程期襄陽耆舊更安在  
峴首風流今有誰隱去處尋龐氏宅醉歸還過習家池可能  
人事非前日曾問青山知不知



臘八日訪武夷杜先生時平章道童遣使致太傅承  
相命求所著書可感今歲兩見先生矣

柳條風動早春初曾向山中覓隱居梅片雪飛殘臘後又  
從几上讀遺書詢求近致所臣幣繕寫猶淹聘使車君相  
只知崇正學不將封禪問相如

贈了上人游方

上人携月自西來又擬乘風過五臺山到白雲應駐錫地  
逢滄海只浮盃黃梅再熟傳宗去貝葉初收說法回我亦  
尋幽少吟伴幾時看瀑上天台

送伍元如赴烏蒙右文教授

西去烏蒙幾驛程平生江海壯遊輕  
非訶水入蠻雲暖越  
高山連楚樹晴已載國書通累譚更推王道泚諸生他年

聽說殊方事綠髻相看畫錦榮

題道士林希深禱雨卷

羽人曾領玉宸曹身衣朝天白鶴袍鐵檄召雷秋雨足瑤  
壇謁帝夜雲高穿林紫氣頻燒葉滿洞丹英自種桃若挽  
銀河洗兵甲應翻馬鬣作波濤

用鷲峯師韻送澗泉上人游方十首

天台山上綵虹橋山下桃花帶露飄仙客雲霞迷舊路化  
人宮殿現層霄穿林夜氣香為蓋冠嶺晨光錦作標若到  
上方應駐錫透間法鼓動春潮

右天台

鴈山鐘磬半空響雪嶺霞城此地分金塔影浮滄海月寶  
臺光繞梵天雲禪機已熟能傳印世網難嬰易解紛更上  
孤峯看瀑布愿將餘港滿秋氛

右鴈蕩



潮音海洞石盤陀送子東遊奈別何日上扶桑天不遠雲  
連柝木地無多水王獻寶開丹穴呈使通槎泛白波見說  
蓬萊清淺處便從鵬翼起秋河

右補陀

身隨衛岳片雲來南極朱陵洞府開八桂山川臨鳥道九  
疑風雨濕龍堆使華今日嚴珪幣祖印何年翦草萊直到  
無生叅學畢逢人遮莫說輪迴

右衛岳

廬昇山陽幾勝遊竭來重為甬溪留千尋瀑布雲霞冷九  
派江流日月浮白鹿盤、高洞曉黃花采、故園秋東南  
更有名藍在莫道諸方訊已周

右廬山

去禮文殊寶剎開倚空岫鬱崔嵬金函奉旨傳香至白  
邊圖形載法來心鏡象懸天外月教筵獅吼地中雷還將  
拂子閑拈起更上繙經第一臺

右五臺

一上鍾山萬慮消虛空樓閣翠宮苑金陵鬱、帝王宅天  
塹悠、南北朝月滿石城秋似水風高淮浦夜生潮未應  
便作乘蘆去且聽仙人碧玉簫

右鍾山

路入西山窈復深法筵應有聖佛臨兩峯塔影天垂蓋千  
佛林光地布金牛笛竊逢圓澤語龍宮還見閻仙吟空中  
更上藏雲洞水架冷、奏八音

右靈隱

峨眉樓閣現虛空玉宇高寒上界同茶鼎夜烹千古雪花  
幡晨動九天風雲連太白開中夏日繞重玄宅大雄師去  
想無登陟遠祇應飛錫驗神通

右峨眉

浮杯東渡海門潮鷺嶺玄關路匪遙十載江湖曾慣歷五  
山風月自相招呼猿洞口行雙澗放鶴亭邊入斷橋直到  
妙高峯上望曇華天雨瀟烟霄

右五山



道山夜坐

夜久天空素月輝  
涼氣入絺衣  
露華欲下仙人掌  
河潤應霑織女機  
江表尚傳烽火急  
閩中暫報羽書稀  
草庐老我南山下  
自濯滄浪理釣磯

約陪鄭御史  
登福山以足疾不及赴

翠微深處隔紅塵  
驄騎聯鑣訪白雲  
山隱朝裾增地望  
星飛使節動天文  
題詩祇許幽人和  
咲語惟應上界聞  
蹇足獨難追逸駕  
仙凡咫尺便相分

壬申歲遊寶陀感時有述

每憶登臨絕寶陀  
轉頭青鬢已霜皤  
千三百里西陵岸  
二十七年東逝波  
天地風塵迷道路  
荆南疆理隔山河  
老來空念唐虞遠  
安得商顏可浩歌

秋聲集

絕句

富沙道中

溪上北風天  
雨霜野田高下散  
牛羊前村落  
盡鳥相葉  
數人家在夕陽

谷口

谷口橋邊日未斜  
先尋宿處近梅花  
分明聽得吹長笛  
祇隔紅闌第一家

谷口橋邊尋隱君  
山中幾時耕白雲  
清霜滿天桐葉赤  
石上水聲終夜聞

松江款乃題李復禮松江漁者圖卷

松江渡頭開釣船  
林江水碧秋粘天  
夜來酒醒山月上  
祇



在蘆花凍裏眠  
釣魚莫釣斑子肥  
榜舟莫近彭郎磯  
磯頭日日風和雨  
整  
即淋淋濕人衣

春日行近山

道人嘗住集靈壇  
春日尋君一里山  
行到竹房燒藥處  
仙  
家只在白雲間

門外山童掃落霞  
問師還只在山家  
推窻引客雲邊坐  
自  
扇風爐煮雪花

天上香風拂彩檣  
雲霞宮館鬱岩堯  
行從白鶴山頭過  
吹  
動仙人紫玉簫

題烏江廟

昔人評項羽謂壯而東  
吳非起兵者項王之徒勇也謂

卷土重來未可知者亞夫之迷復也  
烏足以論楚漢之分哉

五色龍文應漢王  
項家徒用力爭疆  
不知麾下無人傑  
卷  
土重來亦是亡

題錢清垠

父老何知太守賢  
宵無龐吠即安眠  
當時不作歸裝累  
更  
莫輕持一大錢

於越

沃土連雲富稻梁  
十年生聚信能彊  
扁舟不見鷓夷面  
獨  
上高臺釣越王

會稽

安甌遠在越山都  
東南萬里播鑿與  
遙觀禹穴雲如海  
玉



富嶺終上詩書

柯亭

金碧樓臺宅梵王  
柯亭無處問中郎  
何當截取如椽幹  
吹起荒丘熱鳳凰

霽月

寒愛春來暑愛秋  
水長山遠白人頭  
天時自有清涼日  
霽月如銀獨上樓

春山程鍊師山房

春山道士不飲酒  
顏如丹渥氣如虹  
不是出山歸較晚  
貪看明月過橋東  
春山道士不辟穀  
自斲芝田種白雲  
昨夜石壇明月冷  
一簪長笛半空聲

過福山僧不遇

香積厨邊華雨紛  
繡經臺上柏煙焚  
不知飛錫遊何處  
應在天台看白雲

新城道中

苦竹黃泥十里餘  
一村煙雨暗平蕪  
清楓渡口半可涉  
無數山禽留客酤

清風逆旅

繫馬門前日正亭  
與君相見問知名  
感君意氣侶相識  
聊贈木樨將遠情

妾家秦在湘江住  
湘江水漲歸路長  
脊君有便過湘水  
憑寄音書還故鄉

南田夜雨



四簪春雨夜寒涼  
浪記傳吹簫近竹房  
三十五年江海夢  
又隨歸馬過瀟湘

遊麻姑偶題

借得丹爐煮石泉  
樓居一日近神仙  
偶然吹笛下山去  
又過人間五百年

題麻子齋書

能畫能書翫廣文  
世成揮手謝塵氛  
不知笙鶴遊何處  
留得瀟湘一片雲

南田耕舍

跨鶴來尋處士家  
迢迢空翠隔煙霞  
山童揖客松邊坐  
却背春風掃落花  
山下雲收宿雨涼  
一溪流玉自宮商  
松陰滿地苔華濕  
坐

對爐煙白日長

行到長松野水間  
吹簫石上不知還  
嵐光已重衣裳冷  
扣岩扉月滿山

松下携鏡採茯苓  
一山紅葉正縱橫  
同留石上雲生處  
又聽冰崖瀉瀑聲

題麻姑圖有懷持師文

曾宿丹霞十二樓  
水亭風館不勝秋  
故人天上無書到  
自展山圖看雪流

山居春日雜詩

五色雲開四上東  
晴寒銷盡得春風  
秦人自愛桃源好  
新酒家家有酒翁

白髮盈頭未得春  
白得春白得春  
平日看吾身  
胸中俯仰無慚作  
度



外從夫不齊人  
南北東而經此  
離兩思性事只堪悲  
山中落盡梅花片  
同賞春風更有誰

平生海岳舊心期  
萬里風雲入夢思  
今日獨從高處望  
偶逢林寺一題詩

熱雲山 六月八早連雨後

甘澤中宵下建瓵  
一簾秋意枕邊生  
名山有禱神如在  
聽取村村打稻聲

題梅花太極圖

太極在物物中不獨梅也而梅開冬熟夏得六陽之純氣華得受采之全色實得曲直之正味是梅為植物之尤異者中明繪為十圖以見太極之初終蓋表而出之

也故各其賦其事

太極無朕

萬里江天欲雪時  
石梁斜路枕寒漪  
山翁擬覓春消息  
踏遍青苔未有詩

氣化有形

吟屋蕭疎霜後村  
江頭千樹欲黃昏  
等閒又被春風覺  
凍得寒梢月一痕

性質含凝

携杖來尋碧玉泉  
蒼林紅葉晚霜天  
何人寫得琴中意  
盡在疎枝淺水邊

風神全具

曾向燕雲畫裏看  
孤山流水斷橋斜  
祇今殘雪疎籬外  
始



是江南第一

含春待放

行到湖邊慶士家春風籬落近晴沙應將綵筆題新句直  
待滿林飛雪花

得月齊聞

幽芳一點無塵到况是月明霜夜涼恠得陽春滿天地溪  
橋千樹玉成林

疎影橫煙

霜姿月骨夜稜稜亦有輕烟一帶橫聊似染空成淡影幽  
香不減向來清

寒枝壓雪

雪枝擎重為花惜怯冷應開春色中勁節始知金斲日歲

寒終謝玉成功

歛華就實

山亭流水雨初歇楊柳橋頭花正飛直待清陰成子日與  
君携酒送春歸

待用調元

凝姿已得木味正鍊粹復專陽德純大用悉歸調鼎實生  
生無盡一腔仁

早春感興

風雨生寒七日春梅花落盡杏花新欲誅舊事推時變  
復當年畫行人

生際華夷混一年老從新慶遇堯天春和着物皆生意豈  
是乾坤雨露偏



一室虛明白畫閣圖書左右坐中間嗒然隱几無人到身  
在白雪深處山  
石壁山前春水生香田雨後課僮耕交游半是漁樵客使  
者無煩問姓名所印便書到公有素章

春夜聽雨有懷

孤客曾聽夜雨眠一生江海已華顛吟懷不與春風隔謾  
憶簷聲五十年

天地飄飄老此身一懷幽思為誰伸春來猶有登臨趣擬  
向山中覓故人

天上仙人玉筍班殷勤贈我翠琅玕相逢不復傷遲暮知  
已能傾一語難

秋日停車宿武夷石壇雲館近天梯幾時來此山中佳絕  
箇松巢伴鶴棲

李中明秋山小景

家住夕陽三峽口人行秋雨二嶠間不知何處真堪畫移  
得柴門對楚山

山家四首

十里南田去郭餘不因無事却移家才分宿火添香炷又  
酌山泉煮茗華

家住桃花源上村編松為屋鹿為群匡牀盡日臨門坐閑  
看青山起白雲

野衲來棲半屋雲一單猶貯貝多人文問他城郭山林事手  
數輪珠默不聞



石洞懸流瀉碧崖，石橋幽磴抱雲迴。樵人共指山頭看，知是吹笙跨鶴來。

題李氏甥所種西歲枯林蘭石

幽芳冉冉路雲深，白石澹江見此心。零落佳人在空谷，自彈秋月寄瑶琴。

聞鐘

曾催月影倒寒窻，又促征車拂曉霜。湖海故人今白髮，五更孤枕淚浪浪。

秦原嶺

山行盡日不逢人，五里松風十里雲。還有道家燒藥處，時時笙鶴半天聞。

和周凌雲秋日遊邑山行韻

閩嶺秋深水樹涼，原田耕穫歲時忙。無人畫得農家樂，雨過青蔬白稻香。

贈滌嵒周方大

曾見東溟湧日輪，霞流丹穴錦回文。蓉城昨夜西風壯，捲入春膏五色雲。

僧海中所藏顧定之竹

凱之遺墨在人間，風起蕭蕭蕙葉寒。何日攜琴踏青蘚，雨華臺上聽琅玕。

方壺仙

灑香墨，牙戟縱橫八法中。青鸞舞罷秋水潤，珊瑚飛舞天風。

揚盈伯真



杜老題詩不到聞千年風物跡但陳即今海內傳新句直  
待邯鄲孟伯真

黃月潭

平生山水最相親蠟屐長隨野鹿群未似月潭双足健東  
山踏遍萬重雲

樵陽八詠用陳教和周東圃韻

歌擢曾窮九曲源精廬迢遞隱屏前閑尋五曲樵溪上三  
十六峯秋滿船

右五曲精廬

雲館高居最上峯瑤林清逼翠微宮下方塵土不可到五  
色日麗搏桑東

右萬峯梵刹

蛟鼉斫斷蘚痕斑萬壑蕭蕭響珮環溪館夢回山月冷滿  
天秋影聲珊珊

右石鼓松風

羽客丹成去此臺猶聞笙鶴夜歸來幾回欲問臺邊月晴  
雪梅花冷自開

右丹臺梅月

北橋下春水生畫橈兩二蛟龍爭晚風樓畔珠簾捲倚  
棹何人聽玉笙

右北橋春舫

山外斜陽紫翠浮相輪無影半空秋晚鐘吹落人間去一  
抹青煙澹未收

右西塔暮鐘



蕙溪水出蓮花山平嘯  
繩經白雲寒田家太平豈有象社  
無舞隊常盡歡

右燕嵐秋稼

會景亭西曉獨登  
晨曦一上萬山清  
滿城桃李春如繡  
人存金鷲頂上行

右熙春朝陽

謝子安之江右求葬師

千里間關覓葬師  
青山多在白雲西  
秋風滿道吹紅葉  
何處逢人問楚溪

又

家在煙嵐五縣間  
碧榕橋下水潺湲  
朝來雨過秋如洗  
寫出江南一幅山

題牛背醉歸圖

社散田頭日欲晡  
平坡煙暖草如鋪  
醉來祇坐烏犍背  
歸去花村不用扶

又

歲久携家住白雲  
春風行樂任天真  
頽然醉貌衣冠古  
應是鹿門山下人

雲山小景

飛瀑瀉瀉瀉  
瀉碧岑野橋分路入雲深  
三椽草屋長松下  
應有先生抱膝吟

題摘枝海棠

屢卷還教蜀客疑  
半含清露濕臙脂  
草堂二月花無數  
開應春風未有詩



五月議兵赴絳陽

五月南征亟出師黃塵眯目汗流衣衰翁偃仰猶嫌暑慚  
愧軍中幾日歸

五月農家半未畊更聞田鼠食苗萌轅門昨夜飛書急十  
戶三人赴調兵

五月公私乏見儲師徒野掠竟何如自憐無力操戈從未  
敢偷安飽飯居

五月炎蒸日似年金龍山下有林泉不知杖錫何時去裹  
飯從師借榻眠

李遵道枯木竹石圖

老樹槎牙倚半空蒼筠葉葉帶秋風欲將歲晚論心事遠  
憶美人江水東

夜中忽雨

歲惡無鄰堪乙糴時艱何地可移民秋來一夜江南雨不  
責空園活餓人

鄭子聲飛鳳朝陽圖

萬葉迎風舞翠翹五雲浮日麗青霄祇應飛上釣天去  
作仙人對玉簫

為吳松庵題古木疎篁圖

老樹經秋葉未霜一溪流玉落滄浪有人解得江南意月  
下吹簫引鳳凰

曾上君山第一峯遙看湘岸起秋風今朝忽憶王摩詰都  
在淋漓醉墨中

商榷所畫唐宮雙喜圖



湖向... 立花開... 主人

揚子輔竹樹小景

發竹... 得江南... 一片秋

張師夔玉華樓觀圖

碧嶂層... 住仙人... 十二樓

題劔水秋浦山房

借得雲房... 樹西風... 獨倚樓

三華道中書所見

秋雨纔... 處吹香... 綠樹田... 內風塵... 更忍聞

題李倚衡所藏邊伯京萱竹圖

金谷園... 繞巫山... 十二峯

鄭克剛双松圖

老幹... 寫秋聲... 寄白雲

雪意蘭石圖

空谷... 人... 表... 碧山... 秋月... 明... 忽... 憶... 同... 游... 客... 已



在君峯十二樓

春雨書懷

春深已喜冰霜盡老大惟驚歲月徂若待清明方縱目人  
間風雨幾時無  
多憂每恐風摧竹易感還愁雨滯花亦幸山房爐火在春  
寒獨自煮春茶

南田自述

泰華浮雲連日觀江湖夜雨水浮天老來但覺身無繫  
來伴山僧對客眠

題王元善赴北清江新鴈圖

江南春水拍天齊鴻鴈成行向北飛未必雲山便相隔秋  
風還帶夕陽歸

杭川八景

誰把琪花散碧霄千岩萬壑總瓊瑤支頤正好吟詩句莫  
遣東風一夜消君山霽雪

霏<sub>二</sub>暝色滿江城隱<sub>二</sub>岩霏帶晚晴試問仙人何處是數  
聲樵唱不勝情仙岡暮靄

朶<sub>二</sub>芙蓉倚碧天溪光嵐影藹晴煙望中佳致堪圖畫疑  
在匡廬五老前九峰晴旭

濠<sub>二</sub>桃花浪拍空茫<sub>二</sub>東去勢何雄禹門三汲渾如許應  
有潛鱗此化龍七里春濤

曾伴先生共夜闌時留餘焰在雲端自從折桂蟾宮去賸  
馥殘膏幾歲寒雲岩書燈

雪滿長空月滿樓鼓鐘聲裡夜光浮懸知老衲無餘事長



祝皇圖億萬秋 月庵鐘鼓

扁舟一葉任西東 煙水微茫處 同釣罷 歸來無箇事 數聲欸乃夕陽中 烏州漁唱

潺湲石灘急如弦 靈物曾從此處眠 寂是短篷煙雨裡 長歌一曲水連天 龍灘棹歌

霽月二首之一

飛瀑潺湲 瀉碧岑野橋分路入雲深 三椽草屋長松下 應有先生抱膝吟

秋聲集

五言絕句

越王臺

臺枕荒丘古蕭蕭 草木秋遺來輦輅迹 傳屬越王遊 放歌臺

堂構新池上 閒來放浩歌 陽春原寡和 夜月許誰過 西窓晝雨

三春驚過半 霏雨洒窓西 鵲腦添爐炷 春鳩隔樹啼 春行

花落東皇暮 春江深復深 雙柑携向客 斗酒聽鳴禽 看泉

竹樹柴門古 重陰冒女蘿 裴徊谿徑曲 瀑布下岩阿



雪舟獨泛

玉樹聳長空瓊瑤萬壑封夷猶水鏡裡詩思灞橋東  
納涼

避暑到重陰奚奴挾素琴南薰時自至灌木響鳴禽  
春行

巖曲瀉鳴泉風花萬樹妍支筇連袂去踏草興悠然  
老僧翻經

趺坐傍雲根圓空慧性存法華堆自轉難與世人論

野橋

選勝野橋邊疎松似古絃亭幽當水曲林際起秋煙  
放棹

天清一棹遠楓老葉如花朔到芙蓉渚遙空見雁斜

雪

瓊瑤天半聳風急六花飛寂寞無人境孤舟傍釣磯

夕泛

秋淨山如拭江清一棹橫挂帆延暮眺趺坐待潮生

野望

寒江一棹遠接岼板橋斜獨往乘幽興何妨去路賒



嘉慶辛酉季春舒位從蕘園丰兄士禮居借讀

道光乙未閏月朔合江陶

廷杰觀

印一文曰情之

曰莫年之

徽光辛卯八月十八日辛峯蔣自培假漢

